


# Injiil bi ngir Xale yi

## Kii di ko xamlé

### Juddub Yeesu



Ki ko bind: Edward Hughes  
Ku def illustration bi: M. Maillot

Ki ko tekki: Christian Lingua  
Ki def adaptation bi: E. Frischbutter; Sarah S.

Nettali 36 ci 60


[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*

Licence: am nga sañ sañu kopié walla it imprimé  
teere bi ci bu nekké ni do ko jaay.


Wolof

Bu yagg yagg, Yàlla yondé Malaaka  
Jibril ci benn xalee bu jiggeen  
bu rafeet te di Yawut te tuddu  
Maryaama. Mu ne ko, "Dinga  
jur doom ju góor te dinga  
ko tudde Yeesu. Dina ñu ko  
woowé doomu  
Aji kawé gi.  
Dina nguuru  
ba faw."



1

Maryaama yeemu ne ko: "Lii  
na ka la mëna ame? Musuma  
xam benn góor." Malaaka bi  
ne Maryaama ni xale bi ci  
Yàlla lay joggé. Ni du  
am baayu nit.




2

Malaaka bi wax Maryaama it ne ku mu bookal Elisabet dafa ëmb ci maggetaayam. Lii itam keemaan la woon. Ba loolu ame Maryaama dem seeti Elisabet. Ñu booloo maggal Yàlla.




3

Maryaama dafa waaroonaa sey ak ku góor ku tuddu Yuusufa. Yuusufa tiis ba mu yeggé ni Maryaama dafa ëmb. Mu xalaat ni benneen góor moo nekkoon baay bi.




4

Ci gent, malaakay Yàlla ne Yuusufa ni xale bi Doomu Yàlla la woon. Yuusufa dafa waaroonaa dimbali Maryaama ci samm Yeesu.



5

Yuusufa woolu Yàlla te deggël ko it. Mu topp itam yoon yu dekkëm tërël. Ndax yoon bu bées bi, moom ak Maryaama ñu deluwaat ci seen dekk Betleyem, ngir fay seeniy taks.



6

Waxtu bu Maryaama waaroonaa mucc agsi. Wante Yuusufa mënuta woon a gis negg feen. Obers yi yëpp dañu feesoon.



7

Yuusufa mujje gis ap bërëp. Foofu, la goone gi Yeesu juddoo. Yaayam tërël ko ci leKkukaayu jur gi, maanaam ci bërëp bu ñu tamm di defal mala yi lekk.



8

Lu sooriwul dara fañu nekkoon, amoon na ay sàmmkat yu doon wottu jur gi doon nelaw. Malaakay Yàlla feeñu

leen ngir xamal leen xebaar bu neex bi.



9


"Tey jii ca dëkku °Daawuda, ab Musalkat juddul na leen fa, te mooy °Almasi bi, di Boroom bi. Dingen gis liir bu ñu laxas ci ay

laytaay, tëral ko ci lekkukaayu jur."



10


Bi mu waxee loolu, yeneen malaaka yu bare yu jóge asamaan, ànd ak moom, di sant Yàlla naan: "Nañu màggal Yàlla ca asamaan su kawé sa, te ci àddina,



na jàmm wàcc ci nit, ñi mu nangu ndax yiwam."

11

Ñu daldi gaawantu dem gis liir ba ñu tëral ca lekkukaayu jur ga. Bi ñu léen gisee, ñu nettali lu leen malaakayi waxoon ci mbirum Yeesu.




12

Ba ñeent fukki fan jaalé, Yuusufa ak Maryaama yoobu Yeesu ci këru Yàlla ci Yerusalem. Foofu góor bu ñuy woowé Simeyon màggal Yàlla ndax liir bi, ak maggeet bii di Aana, benneen jammi boroom bi di ko gërëm itam.



13

Ñoom ñëpp xamoon nañu ne Yeesu mooy Doomu Yàlla, Musalkat bu ñu diggewoon. Yuusufa saraxe ñaari pitax. Lii mooy maye bu yoonu Yàlla waxoon ni misikin yi waaroon nañu ko indi bu ñuy indi liir bu bees ci këru Boroom bi.



14

Ay waxtu topp ci,  
mu am ap biddeew  
bu indi ay boroom  
xam-xam ci dëkku  
Yerusalem yu  
joggé ci



15

benn dëkku penku.  
Ñu laajté naan "Ana kii  
juddu nekk Buuru Yawut yi?  
Dañu koo bégge màggal."

Buur bi Erodd degg  
borom xam-xam yi. Mu  
jaaxle, mu ñaan leen ñu  
wax ko fu Yeesu nekk  
bu ñu ko gisse. Mu  
dooli ci ne: "Man itam  
dama kaa bégge màggal".  
Wante dafa doon fen.  
Erodd dafa béggoona  
rey Yeesu.



16

Bideew bi yoobu borom Xam-xam  
yi ci kër ga fu Maryaama ak  
Yuusufa dëkkoon ak liir bi.  
Ñu sukk te màggal ko, ñu may  
Yeesu wurus ak cuuraay.



17

Yàlla artu borom Xam-xam yi  
ñu ñibbi seen réew te baña  
wax kenn. Erodd daldi mer  
lool. Mu fasyeene rey Yeesu,  
buur bu bon bi rey liir yu góor  
yu nekkoon ci Betleyem yepp.



18

Wante Erodd  
mënutawoona gaañ  
Doomu Yàlla bi! Ba ñu  
ko artoo ci biir gént,  
Yuusufa jël Maryaama  
ak Yeesu gaddaayu  
jëm ca réewu Misra.



19

Ba Erodd faatoo  
Yuusufa gen reewup  
Misra indiwaat  
Maryaama ak  
Yeesu ci seen  
dëkk.



20

Ñu dëkk ci dëkk bu ndaw bu ñuy  
wax Nasaret, te mu nekk ci wëtu géeju Galile.

Juddub Yeesu

Nettali bu joggé ci Kàddu Yàlla gi, Injiil bi,

Gis nañu ko ci

Macë 1-2, Luug 1-2

"Sa pirim Kàddu day leeral."  
Sabóor 119:130

Yàlla xam na ni def nañu ay mbiir yu bon,  
yu muy woowé bàkkaar. Mbugalu bàkkaar mooy dee.

Yàlla def ñu bëgg lool ba waaral mu yooni benn  
doomam kepp gu mu am, Yeesu, mu dee ci bant bi ngir  
fay suñuy bàkkaar. Yeesu dekki ba deluwat ci kaw  
asamaan! Leegui Yàlla mën na ñu baal suñuy bàkkaar.

Boo bëggé dëdu say bàkkaar, waxal lii Yàlla: Yow Yàlla,  
gëm na ni Yeesu dée na ngir man té mungui dundat  
leegui. Mangu la koy ñaan ñëwël ci sama dund té baal  
ma samay bàkkaar, ba ma mēna am dund gu bees  
leegui, té ma mēna nekk ak Yoow ba faaw. Dimbalima  
ngir ma mēna dund ngir yow ni Sa doom.  
Amin. Yowaana 3:16

Jàngal Injiil bi té waxal ak Yàlla bës bu nekk!